

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA

Broj: T04 0 KT 0060061 24  
Zenica, 16.09.2024. godine

OPĆINSKOM SUDU U ZENICI  
- Sudiji za prethodno saslušanje –  
ZENICA

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

O P T U Ź N I C U

Protiv:

T. S., osuđivan više puta, nalazi se u pritvoru po Rješenju Općinskog suda u Zenici broj: 43 0  
..... od 28.08.2024. godine, a koji pritvor ima trajati do 26.09.2024. godine do 23,30 sati,

Što je:

1. Dana 26.08.2024. godine oko 23,10 sati u Zenici, na adresi Bulevar Kulina bana kod broja 28, naročito drskim i bezobzirnim ponašanjem i nasiljem prema drugom ugrozio građanski mir, a što je i htio, na način da je u bašti ugostiteljskog objekta prišao H.H., uposleniku ugostiteljskog objekta te ga je upitao „Šta je šta me gledaš“ nakon čega je istom zadao udarac zatvorenom šakom u predjelu čela te još jedan udarac u predjelu lijevog uha, nanijevši mu tom prilikom lake tjelesne ozljede u vidu oguljotine na glavi i lijevoj šaci, nakon čega se udaljio sa lica mjesta.
2. Iste večeri nakon događaja opisanog pod tačkom 1. oko 23,45 sati, u ulici Potok kod broja 12, gdje je policijska patrola MUP-a ZDK, PU I PS Centar u sastavu M.M. i H.S. bila na intervenciji po drugom pozivu, otvorio vrata policijskog službenog vozila „Suzuki“ reg. oznaka K... i sjeo na mjesto vozača, a kada su ga ovi policajci izveli iz auta, opirao se i govorio „Pustite me ovo je moje vozilo“ nakon čega je pozvana druga patrola koji su ga sa vozilom za privođenje priveli u službene prostorije PS Centar, gdje je fizički napao policajce M.M. i H.S., a što je i htio i to u momentu kada su ga zajedno sa policajcem A.S. vodili do podrumskih prostorija, na način da se otimao, mašući nogama, te je tom prilikom udario nogom policajca H.S. u predjelu koljena desne noge od kog udarca je pao sa stepeništa na pod između dva ormara i tom prilikom zadobio lake tjelesne ozljede u vidu nagnječne razderotine gornjeg kapka desnog oka i nagnječenja slabinskog dijela kičme, a policajac M.M. je pokušavajući savladati napadača uslijed njegovog aktivnog otpora udario desnom rukom o zid zadobivši tom prilikom tešku tjelesnu ozljedu u vidu nagnječenja desnog ručnog zgloba sa puknućem šiljastog nastavka desne lakatne kosti,

čime je u sticaju počinio krivična djela Nasilničko ponašanje iz člana 362. stav 2. u vezi sa stavom 1. i Napad na službenu osobu u vršenju službene radnje iz člana 359. stav 3. u vezi sa stavom 1. u vezi sa članom 54. KZ F BiH.